


第壹

特別
イ 4
3152
82



贛州游草

子德自署



14
3152
82



大正庚申極
月刊於讚岐

95-142





今茲八月予游讚州淹留琴
平阪出較久拜白峰凌弔鼓
岡壙西至觀音寺歸途自六
甲山歷芳野費日凡二旬獲詩
五十餘首天口信筆粗率殊
如唯以誌鴻爪耳屬者讚人

原雁泉植口節堂諸君欲刊
之資他日追憶未致懇請予不
敢辭 略如刪 補題曰讚州
遊州 琴以付之
大正九年庚申極月天隨記



讚州游草



東京 久保得二天隨

庚申八月將游讚州有作

故人遲吾久。豈謂道途艱。雨霽三薇國。秋高五劍山。文章要
傳世。杖屨好乘閒。廿載游蹤舊。翻憐兩鬢斑。

自字野至高松舟中

身跡宛然漂水萍。海天風靜好揚舲。午靄晴開讚州近。依依
山色眼同青。

琴平客舍賦似三谷象雲疊韻

舒嘯樓居好。寧知旅食艱。涼風出深樹。暮雨失遙山。對酒談

方劇賞秋吟未閒。與君候新霽。郭外走黃斑。

象頭山祠

象頭山色翠岩巖。步履登臨下界遙。畫壁蛟龍風雨過。闕宮觴豆鬼神朝。松杉夾路遮紅日。殿閣凌雲接紫霄。手薦澗毛稽首久。恍聽爽籟似吹簫。

清少納言墳

殿角雪霽撥簾時。天顏有喜罷宴遲。果然聲華冠宮掖。慧心諳得白家詩。一枝彤管亦孤詣。往往諷刺穿微細。義山雜纂非等倫。好與紫史併傳世。環堵蕭條歲月閒。白髮青裙末路艱。猶矜馬骨千金貴。郎署群少齊汗顏。海南今日弔陳跡。斷碑字滅苔暈碧。料識飄零辭帝京。風餐露宿老幽僻。人生畢

竟慙無聞。其奈榮枯轉瞬分。悵望千秋一破涕。才命相妨不獨君。

金陵新撰十二題爲象雲作

澹煙橫抹夜山幽。何處當年吞象樓。初月如眉風露溼。竹枝一曲可新秋。象山新月

紅霞烘日海門開。隔水薇山翠作堆。須識安瀾仗神力。一船滿載賽人來。圓舉遠霞

鼓笛聲中日未殘。古祠春禱肅衣冠。嫩櫻時節行香好。裙屐吹塵滿石壇。櫻節春祠

谿泉一道碎珠璣。岸上新楓住落暉。秋禊鬧於秋社鬧。蹣跚作隊醉人歸。楓時秋禊

煙潤一林葦氣清。天從雨後放秋晴。如何采采未滿籠。移步
四

松陰幽處行。

後林采葦

餘熱侵人困不勝。趁涼陌上月初升。檐鈴頻作丁東響。一店
清風夜賣冰。

前市納涼

居然複道似行空。下有淙淙澗水通。不羨凌波態輕妙。美人
飛步踏長虹。

複道彩虹

何來白雨晚生涼。堠樹殘雲界夕陽。萬頃水田蛙鼓活。微風
有意翼新秧。

狹川白雨

例聞神鼓報清晨。初日逗林松氣勻。溼作翠嵐吹一刷。長廊
著個白衣人。

鼓樓松翠

燈火依微夜色迷。煙籠祠樹一鶻啼。神山爽氣清人骨。不數

葛洪丹井西。

鐘閣鶻聲

目斷玉樓銀海間。忍寒吟嘯對名山。願教此雪化爲粟。天下
飢民俱解顏。

飯峰初雪

一天落木與秋深。臺殿高低晚結陰。遙指夕陽紅褪處。雲歸
巖岫鳥歸林。

岩嶺夕陽

展日柳燕石墓

博徒而嗜詩。詩人而勤王。韜晦避指目。却恐名姓揚。矮軀膽
如斗。時事頻慨慷。頗似魯朱家。用俠庇逋亡。一朝罹羅網。赭
衣坐陰房。鄒衍銜冤甚。六月疑飛霜。幸值中興盛。瞻仰天日
光。鳳詔忽徵起。得意候廟廊。去從北征師。玉帳草檄忙。戟手
呼殺賊。垂死氣更昂。千里齎爪髮。歸葬卽此鄉。魂兮定感泣。

旌褒聖恩長。我來薦蘋藻。郭外晚吹涼。碑面苔已碧。隴上草
欲黃。江山賸生色。精爽瀾大荒。不與君同時。俯仰淚溼裳。

題濤聲嶽影樓爲原雁泉作

壺山兀在東。青峰鬱在西。南望蓮嶽小。墟落嵐氣迷。秧田北
盡處。鹺戶傍沙隄。一川潮正漲。海光漾玻璃。七島森羅列。煙
鬢臨水低。漁歌晚相答。遠近帆影齊。主人真超俗。軒冕如塗
泥。桑梓歸臥穩。何必求巖栖。甫里記皮陸。竹林思阮嵇。除却
同調者。門前絕輪蹄。今我攬勝概。佳期無阻睥。拍欄浩嘯罷。
壁上詩可題。

題日柳燕石百花園詩後雁泉囑

想見花箋落筆時。品紅評紫苦尋思。廣平千古堪相擬。鐵石

心腸錦繡詞。

兒嶽

巨瀑一條懸。斷崖千仞仄。天風挾雨來。夕翠濛無色。

白峰陵

一從戰血漲皇衢。兵革繽紛世運殊。玉璽已移天北極。鑾輿
俄幸海南隅。九秋草木風聲壯。絕頂樓臺鳥道孤。愁見蒼梧
雲不散。陵前日暮獨踟躕。

踏閣攀林磴勢危。寢園寂寞土花滋。二儀風雨威靈顯。四國
山河歲月移。玉几金牀歸昨夢。曉猿夜鶴有餘悲。椎門日落
滄波白。目斷舊京天一涯。

南荒風物故蕭騷。藹地秋聲萬木號。翻痛真龍向魔道。誤傳

天狗是仙曹。玉魚入土松楸鬱。金榜懸門廟宇高。試上岡頭
放眸望。群山趨伏亂于濤。

宿白峰寺

晚宿峰頂寺。虛堂一清敞。微涼殊可人。開牕納萬象。雨過樹
如沐。白雲猶來往。松陰拖暝色。石氣和秋爽。延矚愜素心。塵
外縱幽賞。群籟寂而沈。山廚泉溜響。雪甌茶可烹。對僧頻抵
掌。坐久靜思詩。緬焉生逸想。

似實言上人

物外幽期百念灰。無端感舊暗愁催。颯然半夜風兼雨。總自
白峰陵上來。

題三野二山能遷山房次見似詩韻

幽居雞犬亦翛然。松下徐颺茶竈煙。但道桑麻宜活計。始知
巖穴有遺賢。琴書一榻靜中賞。風月百年塵外緣。傾吐積衷
成快晤。不深庭院早涼天。

鼓岡懷古

保元之變何忍說。王綱解紐彝倫絕。骨肉相讎上下同。父子
弟兄叔與姪。長袖誤事恨無功。八郎徒矜膽氣雄。殺聲夜震
白河殿。四門晨啓劫火紅。玉輦淒涼狩南土。一邱草木蔽環
堵。浮雲天末隔神京。烏頭未白宸衷苦。疇昔記夢夢空醒。懺
罪行香厭有形。消盡煩惱修冥福。手寫五部大乘經。欲慰思
歸情。繾綣底事斥之違我願。面骨崢嶸髮不梳。切齒瞋目長
銜恨。生入惡道爲魔王。橋山他日劍鳥藏。貝葉沈海談无妄。

賸見九茶思極二片

關河秋風
照黃

遭盜嚙舌更荒唐。投經海中之事。大日本史引吉記證其誤。土俗口碑或曰帝為盜所戕。或曰自嚙舌而殂。其妄不足辯矣。
八道兵戈血滿地。果然積憤終成祟。黑鼠化虎九重愁。鬼武稱霸竊名器。即今恩怨兩不存。料識兜率住御魂。威稜只合扶家國。伏臘享祀儀禮尊。拜瞻龍袞又凝想。白日天高秋氣爽。萬壑松風七百年。野水猶作佩環響。

鼓岡雜詠

清泉一泓碧。繞塘芳草深。恨不觀止水。洗盡瞋恚心。內裏泉
既非馬鬣封。隴上餘古墓。夜月寥廓高。孤魂何處住。菊冢
柳田昔有柳。柳田今無柳。怨氣猶未消。種柳即枯朽。柳田
屯蒙當日厄。千里戀皇京。怯作宸哀劇。子規飛不聲。杜鵑冢
午天松靄溼。祠殿倚林丘。不管滄桑變。威靈鎮闔州。鼓岡祠

擬古堂觀讚岐國廳古瓦引

瓦如剖竹長盈尺。其質堅緻欺金石。主人好奇久藏之。十襲豈啻荆山璧。憶昔大化革新年。始張紀綱廟略宣。區劃國土置司牧。乃製戶帳行班田。降至大寶典章備。糾彈權屬按察使。無復豪強事侵陵。四海謳歌唐虞治。維讚之州品物豐。微嫌健訟輒成風。州民皆學法律。動成諍訟。見大日本史藤原保則傳。政化每賴神明宰。前有紀公後菅公。紀公書聖知名早。紀公名夏井。初學書小野篁。篁稱嘆呼為書聖。疲駿忽馳千里道。文德帝。開夏井名召見。衣履纒弊。左借寇民喜義倉成。暮夜却金貧亦好。菅公才德真碩儒。一下公車底績殊。釋菜開學絃誦盛。香幣禱雨禾苗蘇。州廟釋奠詩。城山禱雨文。共見菅家文章。果然二公存餘澤。獨奈晚節共遷謫。或過境上聞哭聲。或顧舊州行海舶。郡

十二
府沿革又回頭。封建已過幾百秋。卽今幸逢聖明世。隨處墟
落炊煙浮。國廳跡在綾川滸。四塞青山形勝古。午風吹颭稻
花香。隴樹蒼蒼藏宿雨。我撫片瓦感慨長。遺聞與誰細評量。
絕憐微物享高壽。冷看人間有滄桑。

阪出客樓偶拈

破睡先澆一碗茶。小樓引客試塗鴉。漫詫黃家無法妙。劈窠
大字數行斜。

西讚途上

山拖濃翠水拖藍。浦口天晴紅日涵。一片嵯煙入風白。看從
松際作青嵐。

海岸寺

地僻鍾靈秀。天秋一色澗。川原開舊國。隴畝出高僧。林邃磬
聲冷。塔危嵐氣凝。清晨風蕩漾。綠浪滿陂塍。

琴彈祠

臨眺停筇處。崇祠領一丘。潮光盪晴日。松籟入涼秋。爲有海
山勝。能消羈旅愁。滄溟如可絕。去躡六鼇頭。

一夜菴

溶溶染川滸。峨峨琴嶺麓。鑑公所假寓。淨域存茅屋。行營墜
將星。孤臣帳下哭。一朝披袈裟。勇退拋世祿。剃髮從休師。執
役如奴僕。悟道初了生。肥遯在山谷。居常鬻油筒。甘無儋石
蓄。俳諧苦鍊句。才思方圓熟。曾自鎮西還。憇此慰邁軸。山輝
水映處。嘯傲縱心目。流芳千歲遠。藝林有餘馥。蕉翁亦傾倒。

出處共私淑。高操誰等倫。遺跡莫侵瀆。伊余雖殊塗。終然同歸宿。

十四

蹈青樓與莊益堂飲

抵掌縱談好。風流君亦狂。當筵妓衣白。滿盞酒波涼。寧問交新舊。且翻歌短長。醉餘悵分手。心趁客程忙。

次韻酬上野耕村見寄

抱琴未道賞音稀。隨處優游興欲飛。但怯江湖秋水至。西風明日一帆歸。

栗林公園

紫雲山下好園林。十又三陂秋欲深。隨意逍遙雙短屐。有時俯仰一高吟。風生岸沚荷香遠。日入崦嵫竹氣陰。且就旗亭

沽薄醉。簾波漾處笑披襟。

嵐氣蒼茫綠四圍。尋幽一徑屐痕稀。靜宜鶴性巖松仄。涼入魚腮水荇肥。既向邱園領佳趣。何關城市有危機。芙蓉紅膩葵花澹。天繪秋光住落暉。

高松別象雲

踟躕水邊立。此恨兩心知。連日成酬唱。今朝忽別離。鷗聲趁波遠。海氣入衣吹。多汝存情誼。慇懃囑後期。

六甲山苦樂園訪福田眉仙同雁泉

勝游賽前度。涼味可吟情。笑與故人酌。靜看明月生。江山浮露氣。梧竹帶秋聲。坐久怯衣薄。當欄河漢橫。

芳山雜詠

十五

試唱當年宸藻雄。祈晴正與我心同。一峰出沐一峰未。忽見中間懸彩虹。

斜日西風涕淚零。延元陵下再來經。萬櫻葉爛黃如雨。抵死蟬聲不可聽。

亂峰四合勢峻嶒。倚盡谿樓月未升。過雨痕殘陵樹暗。老臬聲出夜雲層。

大村半醉見贈藏王堂古釘二條乃賦此併似智泉上人

鐵釘半鏽八寸長。其末銛利如鋒鋸。構榱侏儒皆合抱。賴此營得藏王堂。當初開基有小角。殿宇崢嶸面金嶽。康正改爲又經年。四壁丹漆半斑剝。料知繕修猶不難。山僧苦訴財力

殫。南朝臣子魂所寄。忍教遺構任頽殘。昨賦古瓦疑神助。誤傳一時博聲譽。重拜三尊變化身。爲公代草募緣疏。

笠置館偶得

孤枕客夢醒。中宵披衣起。滿庭露欲流。月逗林樹裏。絡緯淒引秋。緩步移吟屣。微風拂面涼。終到河之涘。墅火數點青。隔岸群山峙。魚龍寂不驚。蒼煙浮夜水。

游佐野瀑園佐藤小石夫妻從焉

赤日當午爛。秋暑方如焚。村徑西盡處。名園絕塵氛。水木一明瑟。魚鳥穩可群。停步臨碧湖。瀑響駭耳聞。銀河俄然決。峭壁懸流分。五龍攬珠躍。飛沫結作雲。潭間盤渦急。亂水去沄沄。天風過松頂。滿地嵐翠紛。微吟倚亭檻。適意欲何云。乃憐

十八
下界開。人聲疑聚蚊。河朔飲亦好。興酣惜斜曛。巖花碎而落。
衫角餘奇芬。

歸家

半月離家似隔年。歸來笑坐一尊前。新衣好爲嬌兒買。囊底
猶餘潤筆錢。

讚州游草 終

錄附 聯句

於琴平花壇 天隨 雁泉

倚遍象頭山外樓。泉綠青遶白豁吟眸。隨松梢殘滴繁於露。泉
雨後蟬聲忽引秋。隨

一林積雨似梅天。泉環郭青山隔澹煙。隨心到忘機詩可話。泉
嫩涼庭院日如年。隨

尊酒論文興正長。泉偶然獲句更思量。隨檐鈴作響微風過。泉
滿砌松筠帶雨涼。隨

於濤聲嶽影樓 天隨 雁泉 象雲

潮滿長川片月明。隨白蘋香裏倚涼棚。雲笑拋紈扇夜如水。泉

絕愛浴餘衫子輕。隨

初月波涵影不流。隨蘆花洲外棹歌幽。泉半宵風露衣襟溼。雲

魚氣江心漾作秋。隨

醉餘意氣聳吟肩。泉偶爾詩成好染箋。雲微月欲斜銀漢白。隨

新涼吹滿二更天。泉

於芙蓉館 天隨 雁泉 象雲

星河影澹雨晴天。泉一味早涼風燭前。雲驀地樹聲吹過處。泉

夜山朶朶莽於煙。隨

露氣生涼枕簟閒。雲當欄樹影聳於山。泉莎蟲半夜吟偏永。雲

不似吳儂詩思艱。隨

無月無風暑未消。隨那邊一笛破幽寥。泉又從醉後呼茶到。雲

恰是嫩涼燈影搖。隨

忽聞鄰閣起絃歌。雲我輩聯吟興更多。泉靜處始知秋到早。隨

微風如水盪簾波。泉

於白峰寺 天隨 雁泉

亂山滿目匝園陵。泉想到長寬悲不勝。隨咫尺蒼茫雨過後。泉

溼雲猶住最高層。隨

於鼓岡途上 天隨 雁泉 象雲

秋陰未散趁幽期。泉一路深泥步自遲。雲待我故人在何處。泉

松聲吹滿鼓岡陲。隨

於擬古堂 天隨 雁泉 象雲

殘蟬聲細入新秋。隨臥地胡枝露尙流。泉擬古堂前涼味足。雲

午陰如夢一庭幽隨

國府故墟秋草荒隨西風吹入客衫涼雲劫餘猶見江山壯隨

閱盡廢興唯夕陽泉

城山鳧水繞行宮泉獨弔冤魂感不窮隨龍氣衝天天欲暝泉

亂松振鬣雨聲中雲

於六甲山苦樂園 天隨 雁泉

遙青一髮是何州泉斜照西沈帆影幽隨領略欄前涼萬斛泉

長風陣陣爽於秋隨

山光水色引吟情隨醉倚欄干待月生泉偏喜風流勝緣在隨

斯人斯地久聞名泉

冲天明月一輪孤泉涼氣入衣神始蘇隨爾我同心共遺世泉

當筵鼎坐撚吟鬚隨

忽從露底起新蟲隨倚檻沈吟萬慮空泉野影蒼茫海邊盡隨

暝煙初斂月明中泉

寄國府津伊東聿水 天隨 雁泉

對月今宵憶故人泉滿天風露溼松筠隨湘南君亦有詩否泉

同見秋來佳景新隨

苦樂園散策 天隨 雁泉

醉餘移屐聽蟲吟泉露氣和煙月有陰隨處處樓臺人未睡泉

水晶簾底燭華深隨

於對嶽莊 天隨 小石

蟲聲驟於雨隨竹裏一燈幽擺樹涼颺起石鈎簾暮靄收團

團今夜月。隨莽莽遠天秋。把酒與君話。石江湖蹤跡悠。隨

於佐野瀑園 天隨 小石

蓮嶽鍾元氣。隨五龍降自空。溪聲無晝夜。石瀑勢有雌雄。壑
底亂雲捲。隨松間幽徑通。此來消暑熱。石留賞與君同。隨

附錄
聯

句終



非賣品

